



United church of Christ in the Philippines
North Luzon Jurisdiction
42 Bokawkan Road, P. Burgos Barangay, Baguio City

SUNDAY SCHOOL MATERIAL (MEOE)

APRIL 16- May 28, 2017

April 16, 2017

Resurrection Sunday: Resurrection of the Righteous

I. PANGGEP

Kalpasan ti panagadal, dagiti ubbing manamnama nga:

- A. Maanagda ken maipakitada ti ragsak ken rag-o iti panagungar ni Jesus.
- B. Mapagyamanda ti Dios iti panamagbalinna kadayo nga nalinteg iti ipupusay ken panagungar ni Jesus.
- C. Maamirisda nga ti ayat ti Dios ket isu ti gapu no apay nga insalakannatayo ni Jesus.
- D. Makipartisiparda iti ministeryo ti ayat ti Iglesia iti panangsungbat iti ayat ti Dios kadayo.

II. PAMPANUNOT (Konsepto)

Ni Kristo nagungaren. Ni Kristo pinagbalinnatayo nga nalinteg.

KASAPULAN

Biblia (nasaysayaat nu NRSV)

III. LINAON TI PANAGADAL

A. Panglukat a Panagdayaw

- 1. **Panangpasangbay:** Kablaawan dagiti ubbing iti isem a manangpasangbay. Naragsak nga aldaw ti panagungar!
- 2. **Panglukat nga kankanta/kantaen dagitoy:**

“Alive Forevermore”

Alive, alive, alive forevermore! My Jesus is alive, alive forevermore!
Alive, alive, alive forevermore! My Jesus is alive forevermore!
Sing halleluiah, sing halleluiah! My Jesus is alive, alive forevermore!
Sing halleluiah, sing halleluiah! My Jesus is alive!

“Christ the Lord is Risen Today”

Christ the Lord is risen today, Alleluia! Earth and heav'n in chorus say,
Alleluia! Raise your joys and triumphs high,
Alleluia! Sing, ye heav'ns, and earth reply,

Alleluia! Love's redeeming work is done, Alleluia!
Fought the fight, the battle won, Alleluia!
Death in vain forbids him rise, Alleluia!
Christ has opened paradise, Alleluia!
Lives again our glorious King, Alleluia!
Where, O death, is now thy sting? Alleluia!
Once he died our souls to save, Alleluia!
Where's thy vict'ry, boasting grave? Alleluia!

3. Panglukat nga kararag

Agragrag sak ken agragrag-okami O Dios ita nga dominggo ti panagungar! Agyamankami! Agyamankami iti panangibaonmo ken Jesus ken iti biag nga inpakitana. Agyamankami ta nagungar ni Jesus manipud ken patay. Agyamankami ta ni Jesus nabiag ken kanayon nga adda kadatayo, nga tumultulong kadatayo nga agbiag iti nalinteg kas kenkuana, ayaten ti dadduma ken agaramid iti naimbag. Kangrunaanna, agyamankami iti ayatmo. Dagitoy ti kararagmi babaen iti nagan ni Jesus. Amen.

B. Panagsagana

Saludsoden kadakuada:

1. Ammoyo kadi ti kaipapanan ti panagungar (resurrection)?

Ilawlawag kadakuada: Ti panagungar ket isu ti panangbiag manen ti maysa a tao nga natayen. Ni Jesus nagungar. Natay isuna ngem nabiag manen. Ita nga aldaw, selselebrantayo ti panagungar ni Jesus. Isunga daytoy nga aldaw ken naragsak. Denggentayo ti istorya manipud iti ebanghelyo ni San Juan maipapan iti panagungar manipud iti patay a kas iti naaramid ken Jesus.

Ipakaammo ti istorya: Denggentayo ti istorya manipud iti ebanghelyo ni Juan maipapan iti maysa nga tao a nagungar manipud iti patay a kas ken Jesus.

C. Panagadal

Istoryaen daytoy nga istorya:

“Ni Jesus isu ti Panagungar ken ti Biag”

Adda tallo nga agkakabsat: Da Marta, Maria ken Lazaro. Agnanaedda idiy Betania. Dagitoy nga tallo ket gayyemda ni Jesus. Iti maysa nga aldaw, nagsakit iti nakaro ni Lazaroket natay. Adu nga tattao ti napan nakipagladingit kada Marta ken Maria. Iti saan a mabayag, naammoan ni Marta nga sumungungad ni Jesus agturong iti balayda isunga napanna sinabat daytoy iti dalan.

Kinunana ken Jesus, “Apo no addaka koma ditoy idi, saan a natay ni kabsatko! Nupay kasta, ammok nga uray ita, ited ti Dios ti aniaman a dawatem kenkuana.”

Mapagungarto ni kabsatmo, kinunana ni Jesus.

Ammok a mapagungarto inton maudi nga aldaw, insungbat ni Marta.

Siak ti panagungar ken ti biag, kinunana ni Jesus. Ti siasinoman a mamati kaniak, uray no matay, agbiagto pay. Ket ti siasinoman nga agbiag ken mamati kaniak, pulos a dinto matay. Patiem daytoy?

Wen, Apo, insungbatna. Patiek a sika ti Kristo, ti Anak ti Dios nga umay ditoy lubong.

Immay met ni Maria. Agsangangit ket kinunana, Apo, no addaka koma ditoy idi, saan a natay ti kabsatko.

Idi Nakita ni Jesus nga agsangsangit isuna ken dagiti tattao, nagsangit met isuna. Napanda amin iti nakaitaneman ni Lazaro. Nagkararag iti Dios ken nagyaman ta dinenggeg ti Dios ti kararagna. Kayatna nga mamati dagiti tattao kenkuana nga ti Dios ket inbaonna isuna.

Idi kuna, kinunana iti napigsa a boses, Lazaro, rummuarka!

Ket rimmuar ni Lazaro a nabia. Ni Lazaro nagbiag manen gapu ta ni Jesus ket mabiagto met nu matay. Ti panagungar ni Jesus ket nangted iti namnama ti amin agpaay iti nasaysayaat nga masakbayan nga adda ti Dios.

D. Panangpauneg ti adal/panagbibin-ningay iti pannakaammo.

1. Anya ti nagan dagiti gagayyem ni Jesus iti daytoy nga istorya?
2. Anya ti napasamak ken Lazaro?
3. Idi nagkita da Marta ken Jesus, anya ti inbaga ni Jesus kenkuana? (Siak ti panagungar ken ti biag. Siasinoman nga mamati kaniak, uray no matay, agbiagto pay, ken siasinoman nga agbiag ken mamati kaniak ket saan a matay)

E. Panangdiskubre ti Adal manipud iti Biblia.

* daytoy nga istorya ket naiwarwaras gapu ta dagiti Kristiano iti dayta a panawen ket agsagsagaba iti pannakaidadanes. Ti nagsurat iti ebanghelyo ni Juan ket kayatna nga utag-ay dagiti tattao tapno agtuloy nga agpammati iti baet ti adu nga kinarigat.

* Ti panangistorya ken Lazaro nga nabia manipud iti patay ket panangpabileg kadagiti namati iti baet iti kinarigat, kinaawan namnama ken pati iti patay.

* Ti mensahe ni Jesus nga “dagiti mamati kaniak, uray no matay ket agbiagto pay” ket kaipapananna nga ti ipapatay ti namati ket agturong iti pudno ken baro a biag; agnanayon a biag iti nagan ni Jesus. Ti komunidad iti ebanghelyo ni Juan ket agpampammatida ken Jesus iti laksid dagiti adu nga negatibo nga paspasamak. Ken Jesus, naisalakanda. Daytoy ket posible gapu iti ayat ti Dios.

* Ni Jesus insalakannatayo amin. Agnanayantayo koma nga agyaman iti Dios gapu ta ti Dios ket ay-ayatennatayo la unay. Ibingaytayo ti ayat ti Dios kadagiti dadduma ken panangaramid iti umno ken nasayaat it dadduma.

F. Panangiyaplikar ti Adal manipud iti Biblia

1. Idalan dagiti ubbing nga mangibaga kadagiti wagas no kasanoda nga ibingay ti ayat ti Dios babaen iti panangaramid iti umno ken nasayaat kadagiti dadduma.

2. Mangibaga kadagiti programa iti Iglesia nga ehemplo iti panangibingay iti ayat ti Dios ken kadagiti dadduma.

3. Damagen kadagiti ubbing no kasanoda nga makapartisipar kadagitoy nga programa.

4. Idalan isuda nga idrama dagiti sungbatda.

G. Pangserra a Pagdayaw

1. Kantaen ti “Alive Forevermore”

2. Ipabasa kadagiti ubbing ti bersikulo manipud Juan 11:25b). Idalan dagiti ubbing nga ikabesada daytoy.

3. Alaen dagiti daton kas makankanta ti umno nga kanta.
4. Mangidalan iti pangserra a kararag.

April 23, 2017

First Sunday after Resurrection: Suppressing the Truth of the Resurrection

I. PANGGEP

Kalpasan ti panagadal, dagiti ubbing manamna nga:

1. Maibagada ti testimonyo dagiti agbanbantay iti tanem ni Jesus maipapan iti panagungar ni Jesus.
2. Mailasinda ken maamirisda ti saan a nasayaat nga epekto ti saan a panangibaga iti kinapudno.
3. Makipagpasetda kadagiti programa ti Iglesia iti pannakiwaragawag iti panagungar ni Jesus.

II. PAMPANUNOT (*Konsepto*)

Nainkalintegang nga iawaragawag ti balligi ni Jesus iti patay.

KASAPULAN

Biblia (NRSV), poster paper, krayolaken daddua pay nga mausar iti art.

III. LINAON TI PANAGADAL

A. Panglukat a Panagdayaw

1. Panangpasangbay: Kablaawan dagiti ubbing iti isem a manangpasangbay ken iti panangisao iti Jesus is alive, halleluia! Idalan isuda nga kablaawanda met dagiti dadduma iti kastoy.

2. Panglukat nga kankanta/kantaen dagitoy:

Kantaen dagitoy:

“Ho-Ho-Ho-Hosanna”

Ho-ho-ho-hosanna, ha-ha-ha-halleluia!

He, He, He, He saved me, I’ve got the joy of the Lord! (repeat song)

“Hallelu, Halleluia”

Hallelu, hallelu, hallelu, halleluia! Praise ye the Lord (2x)

Praise ye the Lord, halleluia! (3x)

Praise ye the Lord!

(Mabalin met nga aramiden daytoy nga ay-ayam, kas guduaen ti klase iti dua a grupo. Diay maysa a grupo ket kantaenda ti “halleluia” ket diay maysa a grupo ket kantaenda met ti “Praise ye the Lord”. Kas kantaenda ti pasetda ket itakderda nga ikanta. Mabalin nga ulit-uliten daytoy ket mabalin nga papartaken ti panagkantada.)

3. Panglukat a kararag: Apomi Dios, agamankami iti dayto a domingo ket iti daytoy a kanito ti panagadal kenka. Agyamankami iti kinapudno maipapan iti panangungar ni Jesus. Tulongannakami kadi a kankanayon iti panangiwaragawag iti daytoy iti sao ken aramidmi.

Idalannakami iti panangiwaragawag iti kinapudno iti amin a tiempo ken iti panangipaay iti ayatmo kadagiti dadduma. Iti nagan ni Jesus. Amen.

B. Panagsagana

Saludsoden kadakuada:

1. Mamatikayo kadi nga ni Jesus ket sibibiag?

2. Anya ti aramidentayo tapno maibagatayo kadagiti dadduma daytoy nga naimbag a damag?

Denggentayo ti pakasaritaan no kasano nga dagiti gagayyem ni Jesus naammoanda daytoy a naimbag a damag ken no kasano nga dagiti dadduma ket pinadasda nga paglibakan daytoy nga napasamak.

C. Panagadal

Istoryaen daytoy nga istorya:

“Ti Panangungar ni Jesus”

Kalpasan ti aldaw ti panaginana, idi pumarbangon iti umuna nga aldaw ti lawas. Napan kinita ni Maria Magdalena ken ti sabali a Maria ti nakaitaneman ni Jesus. Pagammoan, nagginginged iti napigsa gapu ta maysa nga anghel ti Dios ti nanglukat babaen iti panangtulidna ti bat a naiserra iti tanem. Insaona kada Maria nga ni Jesus ket awanen idiy tanem ta nagungaren. Binagaanna ida nga pumanwdan ket birokena dagiti adalan n Jesus ket ibagada ti naimbag a damage. Ket iti dua nga aldaw, dagiti dua a Maria ket binirbirokda dagiti gagayyemda. Idi kuan, nasarakanda ni Jesus. Kinabalaawanna ida ket nagdaydayawda dagitoy dua kenkuana. Dikay agbuteng, kinunana ni Jesus kadakuada. Inkay ibaga kadagiti kakabsatk a mapanda idiy Galilea ket makitadakto sadiay.

Dagiti guardia nga agbanbantay iti tanem ni Jesus ket napanda inpadamag iti papangoloen dagiti papadi ti amin a napasamak. Dagiti papadi saanda a kayat nga maammoan dagiti tattao nga ni Jesus ket nagungar ket sibibiag isunga binayadanda iti adu nga pirak dagiti guardia ken binagaanda nga agulbodd kadagiti tattao.

Dagiti dua a Maria ket nasarakanda dagiti adalan ket imbagada ti naimbag a damage nga sibibiag ni Jesus. Iti saan a mabayag, aminda ket nakitada ni Jesus, ni Jesus kinunana kadakuada nga nga apanda iti amin a nasyon ket buniaganda ida, isurodanag agtulnog kadagiti sursurona. Inbaga ni Jesus nga kanayon nga addanto kadakuada..

D. Panangpauneg ti adal/panagbibin-ningay iti pannakaammo.

1. Anya ti inaramid dagiti dua a Maria kalpasan nga nakasaoda ti anghel ken nakasaoda ni Jesus?

2. Husto kadi met laeng ti inaramid dagiti dua a Maria?

3. dagidiay ngay met guardia iti tanem ni Jesus ken dagiti papangoloen? Husto kadi met ti inaramidda?

4. Anya ti makunayo a mapasamak no agulbodtayo?

E. Panangdiskubre ti Adal manipud iti Biblia.

Isao kadakuada: Kasapulan nga ibagatayo ti kinapudno kangrunaanna maipapan iti panangungar ni Jesus. Kasapulan nga maipakitatayo daytoy babaen iti sao ken aramidtayo nga mamatitayo nga nabiga ni Jesus babaen iti panagaramid iti nasayaat kas inaramid ni Jesus.

F. Panangiyaplikar ti Adal manipud iti Biblia

Saludsoden kadakuada:

1. Adda kadi kadakayo ti nakaaramiden nga nagulbod ken saanna nga inbaga ti kinapudno?

2. Anya ti napasamak kalpasan nga nagulbodka?

3. Apay nga napateg nga ibaga a kanayon ti kinapudno?
4. Kasanotayo nga mibaga kadagiti daddumma ti kinapudno ti panagungar ni Jesus? Idalan dagiti ubbing nga mangaramid iti poster slogan ken mangipakita kadagiti pampanunot maipapan iti panagungar ni Jesus.

Pagtuladan: Jesus is Alive!, Every Day is Resurrection Day f We Believe, Jesus Conquered Death – He is the Lord of Life, ken dadduma pay.

Idalan dagiti ubbing nga drawing an ken koloranda dagiti aramidda.

G. Pangserra a Pagdayaw

1. Kantaen ti “Alive Forevermore”

Alive, alive, alive forevermore! My Jesus is alive, alive forevermore!

Alive, alive, alive forevermore! My Jesus is alive forevermore!

Sing Halleluiah, sing halleluiah! My Jesus is alive, alive forevermore!

Sing Halleluiah, sing halleluiah! My Jesus is alive!

2. Basaen daytoy kadakuada: Awanen ditoy! Nagungaren! (Mateo 28: 6a) Bagaan dgiti ubbing nga ikabesada daytoy nga bersikulo.

3. Alaen dagiti daton kas makankanta ti umno nga kanta.

4. Mangidalan iti pangserra a kararag. Apomi a Dios, agyamankami iti panangisurom manen kadakami ita nga aldaw. Tulongannakami nga mangaramid a kankanayon iti umno. Tulongannakami nga mangibaga iti kinapudno iti amin a tiempo, kangrunaanna ti naimbag a damag nga ni Jesus ket sibibiag. Ni Jesus koma ti kankanayon nga adda kadakami. Iti nagana, ikararagm dagitoy. Amen.

April 30, 2017

Second Sunday after Resurrection: Moment of Human Frailties

I. PANGGEP

Kalpasan ti panagadal, dagiti ubbing manamnama nga:

1. Maibiagda ti pammati ken Jesus.
2. Maibingayda dagiti kapadasanna isu nga nakariknaanda iti presensa ti Dios.
3. Mailadawanda ti karirikna dagiti babbai nga nakaammo nga awanen ni Jesus iti tanem.
4. Maiparangda ti ayat ken pannakipagrikna kadagiti dadduma nga addan panagliday.

II. PAMPANUNOT (Konsepto)

Dagiti liday kadagiti biagtayo ket agbalin nga rag-o no idatontay dagitoy iti Dios babaen iti kararag.

KASAPULAN

Biblia (nasaysayaat nu NRSV)

III. LINAON TI PANAGADAL

A. Panglukat a Panagdayaw

1. **Panangpasangbay:** Kablaawan dagiti ubbing iti isem a mmamasangbay. Damagen isuda no kumustadan.

2. **Panglukat nga kankanta/kantaen dagitoy:**

Kantaen dagitoy:

This is the Day
This is the day (2X)
That the Lord has made (2X)
We will rejoice (2X)
And be glad in it (2X)
For this is the day that the Lord has made
We will rejoice and be glad in it.
This is the day (2X)
That the Lord has made.

3. **Panglukat a kararag**

Apo Dios, agyamankami iti daytoy a napintas nga agsapa isu nga intedmo kadakami. Agyamankami iti panangtiponmi kadakami iti daytoy a Sunday School. Agyamankami kadagiti mangisursuro ken kadagiti gagayyemmi, iti pamilya ken dagiti ay-ayatenmi iti biag. Kangrunaanna, agyamankami ken Jesus ken ti ayatna. Amen.

B. Panagsagana

Damagen kadakuada:

Malagipyo kadi ti istorya idi napan a lawas? (idalan dagiti ubbing nga sumungbat)

Ibaga daytoy kadakuada: Ti isotryatayo idi napan a dominggo ket naadaw iti ebanghelyo ni Mateo. Itatta, saritaentayo met ti isu met laeng nga istorya nga maadaw iti ebanghelyo ni Markus. Kasapulak ti tulongyo nga mangistorya daytoy.

C. Panagadal

“Ti Panagungar ni Jesus base iti ebanghelyo ni Markus”

Malagipyo kadi no anya nga oras nga napan dagiti gagayyem ni Jesus iti tanemna? Napanda iti parbangon. Anya nga aldaw a napanda? Umuna nga aldaw ti dominggo. Sinno dagiti gagayyemna nga napan? Dagiti gagayyemna nga napan ket da Maria Magdalena ken maysa pay nga agnagan iti Maria. Base iti ebanghelyo ni Markus, adda pay maysa a gayyem nga kadua ti dua a Maria, ti nagana ket Salome.

Ti kadi dakkal a bato nga nangserra iti tanem ni Jesus ket nakalukat? Wen. Nasarakanda kadi ti bagi ni Jesus iti tanem? Saan. Anya ti naibaga kadakuada? Naibaga kadakuada nga ni Jesus ket awanen sadiay ta ni Jesus ket sibibiag. Mapandan ket birikenda dagiti adalanna ken ibagada ti naimbag a damag. Napanda binirok dagiti adalan ni Jesus ken inawaragawagda ti naimbag a damage. Iti ebanghelyo ni Markus, dagiti babbai ket napalalo ti butengda keta wan a pulos ti naisaoda.

D. Panangpauneg ti adal/panagbibinningay iti pannakaammo.

1. Apay ngata nga mabteng dagiti babbai?
2. No makangngegtayo iti saan a nasayaat nga damage, anya ngata ti mariknatayo?

3. No makangngegtayo iti nasayaat a damage, anya ngata ti mariknatayo?
4. No agladingittayo, anya ti makaited kadatayo iti ragsak?
5. No naragsaktayo, anya ti ar-aramidentayo?

E. Panangdiskubre ti Adal manipud iti Biblia.

Idi damo, dagiti disipulo nakarikna iti panagbuteng ken panagladingit ta nakitada nga awanen ni Jesus iti tanem, ngem idi agangay, idi naammoanda nga ni Jesus ket nagungar, nakariknada iti napalaus nga rag-o ken namnama. Nariknada nga ni Jesus ket adda kadakuada. Ammoda nga ni Jesus ket adda kadakuada ta Nakita ken nariknada ti presensya ni Jesus iti maysa ken maysa. Nariknada ti naindaklan nga ayat iti tunggal maysa ken naliwliwada babaen iti maysa ken maysa. Inkararaganda pay ti tunggal maysa. Gapu ta nargsakda, inbingayda ti naimbag a damag kadagiti dadduma.

F. Panangiyaplikar ti Adal manipud iti Biblia

Saludsoden kadakuada:

Kaano nga nariknam nga ti Dios ket adda kenka? Idalan dagiti ubbing nga mangibingay kadagiti kapadasanda iti pannakariknada ti presensya ti Dios.

Damagen kadakuada: No ti maysa a gayyem wenno ay-ayaten ket naliday, anya ti aramidenyo? Idalan dagiti ubbing nga mangikararag iti tunggal maysa ken iparikna ti ayat ken pannakimaymaysa kadagiti dadduma, kanarunaan kadagiti naliday.

G. Pangserra a Pagdayaw

1. Kantaen ti "Friends, Friends, Friends"

Friends, friends friends, I have some friends I love

I love my friends and they love me

I help my friends and they help me

Friends, friends, friends, I have some friends I love!

2. Basaen daytoy kadakuada: Awan ditoy! Napagungaren! (Markus 16: 6a) Bagaan dgiti ubbing nga ikabesada daytoy nga bersikulo.

3. Alaen dagiti daton kas makankanta ti umno nga kanta.

4. Mangidalan iti pangserra a kararag. Apo Dios, agyamankami iti pannangtedmo kadakami ken Jesu Kristo. Mamatikami nga isuna ket sibibiag. Mamatikami nga makipagtataeng isuna kadakami. Tulongannakami tapno Makita dagiti dadduma ni Jesus kas ibingaymi ti ayatmo nga adda kadakami. Tulongannakami nga mamangtulong, kangrunaanna kadagiti agladingit. Bendisyunannakami kas agdaliasatkami iti daytoy a lawas. Dagitoy ti kararagmi iti nagan ni Jesus. Amen.

May 7, 2017

Third Sunday after Resurrection: Appearance of Jesus to Mary Magdalene

I. PANGGEP

Kalpasan ti panagadal, dagiti ubbing manamnama nga:

1. Maistoryada ti panagparang ni Jesus kenni Maria Magdalena.

2. Maamirisa nga uray dagiti babbai ket ar-aramaten ti Dios tapno mairakurak ti naimbag a

damag ti pannakaisalakan.

3. Mapatalgedanda nga addaan ti trabaho t tunggal maysa, lakay man wenno ubing, lalaki man wenno babae iti panangibingay iti aramid ti panangisalakani ni Jesus kadagiti tattao ti Dios.

4. Maibingayda dagiti bagbagida kadagiti programa ti Iglesia iti panangiwaragawag ken Jesus.

II. PAMPANUNOT (*Konsepto*)

Ti edad, katatao (babae wenno lalaki) wenno kaputotan ket saan daytoy a lapped iti panangiwaragawag iti kinapudno ti panagungar ni Jesus.

KASAPULAN

Biblia (nasaysayaat nu NRSV)

III. LINAON TI PANAGADAL

A. Panglukat a Panagdayaw

1. **Panangpasangbay:** Kablaawan dagiti ubbing iti naparabur nga dominggo kenka!

2. **Panglukat nga kankanta/kantaen dagitoy:**

Kantaen daytoy:

“Magmahalan Tayo”

Magmahalan tayo, magmahalan, lalala lala lalala lala (2X)

Napakagandang pagmasdan kung tayo’y nagmamahalan! (2X)

3. **Panglukat a kararag:**

Agyamankami iti naparabur nga dominggo, Apomi a Dios. Agyamankami iti panangisurok kadakami no kasano ti agayat iti maysa ken mays akas inpakita ni Jesus. Kanayon koma kadi nga agaramid kami iti nasayaat kas an-annakmo. Suroannakami nga mangibingay iti naimbag a damage maipapan ken Jesus iti sao ken aramid, kangrunaanna iti panagungarna. Iti nagan ni Jesus. Amen.

B. Panagsagana

Damagen kadakuada:

Malagipyo kadi ti istorya iti naglabasa dua a lawas? (dumnggeg kadagiti sungbat dagiti ubbing)

Ibaga daytoy kadakuada: Naistoryatayon ti pakasaritaan ti panagungar babaen iti ebanghelyo ni Mateo ken Markus. Ita nga aldaw, itulytayo nga manen nga dengngen daytoy nga istorya babaen iti ebanghelyo ni Markus inggana iti paggibusanna.

C. Panagadal

Ituloy ti istorya idi napan a lawas

“Ti Panagparang ni Jesus kenni Maria Magdalena”

(Nayon nga istorya base iti ebanghelyo ni Markus)

Malagipyo nga naibaga nga awanen ni Jesus iti tanemna gapu ta sibibiag ni Jesus ken dagiti babbai naibaon nga birokend dagiti gagayye ni Jesus tapno ibagada ti naimbag a damage? Base iti ebanghelyo ni Markus, anya ti inaramid dagiti babbai? Iti ebanghelyo ni Markus, dagiti babbai ketmabutengda la unay ket awan kadakuada iti nakasao.

Iti ebanghelyo ni Markus, iti daytoy nga nagparang ni Jesus kenna Maria Magdalena. Ket ni Maria Magdalena napan ket binagaanna dagiti kakadua ni Jesus. Agladladingit ken agsangsangitda gapu ta ti ammoda ket natayen ni Jesus. Ngem idi naammoanda nga ni Jesus ket sibibiag ken Nakita ni Maria Magdalena, saanda a mamati.

Ti napateg iti daytoy ket naibaga ni Maria Magdalena ti kinapudno.

D. Panangpauneg ti adal/panagbibinningay iti pannakaammo.

Damagen kadakuada: Adda kadi panawen nga idi inbagayo ti kinapudno ngem saanda nga mamati kenka? Anya ti nariknam? (Bay-an dagiti ubbing nga mangibingay kadagiti kapadasanda)

E. Panangdiskubre ti Adal manipud iti Biblia.

Masapul nga kanayon nga ibagatayo ti pudno. Amintayo ket kabaelanna nga ibaga ti kinapudno maipapan iti panagungar ni Jesus iti anya man a wagas. Ubing man wenno nataengan, lalaki man wenno babai. Ti kasamayan nga aramid ket isu iti panagbalin nga nasayaat kadagiti dadduma kas iti inaramid ni Jesus. Daytoy ti kasamayan nga wagas iti panangibingay iti ayat ti Dios.

F. Panangiyaplikar ti Adal manipud iti Biblia

1. Pagiinnadalan ti wagas nga dagiti ubbing nga makaibingay iti pannakaiwaragawad iti biag ni Jesus kadagiti dadduma. Isurat dagiti sungbatda.
2. Guduaen ti grupo ket mangibaga kadagiti wagas nga maaramidda iti panangirakurak ken Jesus ket pagpilien isuda kadagiti maaramidda. Idalan dagiti kada grupo nga mangaramidda iti plano no kasanoda nga maipatungpal daytoy.
3. Bagaan dagiti ubbing nga iparangda dagiti aramidida iti pangserra a pagdayaw

G. Pangserra a Pagdayaw

1. Kantaen ti “Magmahalan Tayo”
2. Alaen dagiti daton kas makankanta ti umno nga kanta.
4. Kas kararag pagyaman, ipabuya dagiti kada grupo ti aramidida iti wagas nga makatulongda iti pannakaiwaragawag ti naimbag a damage maipapan ken Jesus ken ti ayat ti Dios.

May 14, 2017

Fourth Sunday after Resurrection: Failure to Believe in the Appearance of Jesus

I. PANGGEP

Kalpasan ti panagadal, dagiti ubbing manamna nga:

1. Mapanunotda ti panagsarak ni Jesus ken dagiti agladingit nga adipenna ken no kasano ngata ti rikna iti sidong ni Jesus.
2. Maamirisda nga adda baet nga kasapulan nga punoen kadagiti saan a mamati iti panagungar ni Jesus.
3. Maipakitada ti akem ti tunggal maysa iti panangirakurak kadagiti saan a mamati iti panagungar ni Jesus babaen iti panangibiag iti baro a panagbiag.

II. PAMPANUNOT (Konsepto)

No Nabannog ken maabutengtayo, ni Jesus tulongannatayo nga mangsango kadagitoy ken makipagtaeng kadatayo. Ti baro a biag ket mairugi.

KASAPULAN

Biblia (nasaysayaat nu NRSV)

III. LINAON TI PANAGADAL

A. Panglukat a Panagdayaw

1. **Panangpasangbay:** Kablaawan dagiti ubbing iti naragsak a dominggo!
3. **Panglukat a kararag:**

Managayat a Dios, agyamankami iti daytoy a napintas nga agsapa ti domingo. Agyamankami ta nabaelanmi ti immay iti anya man nga oras ket mariknami ti presensam. Tulongannakami nga mangaramid kadagiti responsibilidadmi iti panangibaga kadagiti dadduma iti panagungar ni Jesus. Kanayon kadi o Dios nga makikaaddaka kadakami kas maysa nga Iglesia nga mangaramid ken mangituloy iti ministryom. Makipagtaengka kadakami kas agbiagkami iti baro a biag isu nga makaay-ayo kenka. Iti nagan ni Jesus, Amen.

3. Kantaen:

“We are the Church”

The Church is not a building,
The Church is not a steeple,
The Church is not a resting place,
The Church is people I am the Church,
You are the Church, we are the Church together
All who follow Jesus
All around the world
Yes, we're the Church together!

B. Panagsagana

Damagen kadakuada:

Any a ti istorya nga ad-adalen ken dengdenggentayo iti naglabas nga tallo a lawas? Sinno ti nagparangan ni Jesus iti maudi nga istoryatayo idi napan a lawas?

C. Panagadal

Ituloy ti istorya maipapan iti Panagungar ni Jesus.

“Ni Jesus agparang kadagiti Dua nga Adalan”

(Nayon nga istorya base iti ebanghelyo ni Markus)

Kalpasan nga nagparang ni Jesus kenni Maria Magdalena, ni Jesus nagparang met kadagiti dua nga adalanna. Dagiti dua nga adalan ket magmagna idi nakitada ni Jesus. Ni Jesus nagpakita iti sabali a rupa.

Dagiti dua nga adalan nagsublida ket inbagada kadagiti dadduma nga adalan, ngem saanda nga mamati kadakuada. Ti napateg iti daytoy ket dagiti dua nga adalan ket inbagada ti kinapudno.

D. Panangpauneg ti adal/panagbibinningay iti pannakaammo.

1. Panunoten ti panagkita da Jesus ken dagiti agladingit nga adalan. Kasano ngata nga rikna iti sidong ni Jesus?
2. Ni Maria Magdalena inbagana ti naimbag a damag ti panagungar ni Jesus. Dagiti dua ga adalan inbagada ti naimbag a damage ti panagungar ni Jesus.
3. Maibagam kadi ti naibag a damage ti panagungar ni Jesus?
4. No agladingittayo, anya ti makaited kadatayo iti ragsak?
5. No naragsaktayo, anya ti ar-aramidentayo?

E. Panangdiskubre ti Adal manipud iti Biblia.

Kasapulan nga kananayon nga ibingay ti kinapudno maipapan iti panagungar ni Jesus iti amin a tao. Uray no saan a mamati dagiti dadduma. Ti napateg iti daytoy ket maibaga ti kinapudno ken agtultuloy nga agbiag nga makaay-ayo iti imatang ti Dios.

F. Panangiyaplikar ti Adal manipud iti Biblia

1. Kas maysa nga klase, isurat dagiti wagas nga no saan ket ti maysa ket makatulong iti minsiteryo ti Iglesia iti panangiproklama iti panagungar ni Jesus.
2. Amin nga ubbing ket mangpili iti responsibilidad nga aramiden ken agkomit iti daytoy.

3. Kas indibidwal, pagsuraten isuda iti kararag pagyaman iti Dios nga kankanayon nga adda kadakuada iti panagbagda ken agdawat iti tulong nga idalanda isuda iti pannakipagpasetda iti panangiaragawag iti panagungar ni Jesus.

G. Pangserra a Pagdayaw

1. Idalan tunggal maysa nga basaenda dagiti kararag nga insuratda.
2. Pangserra a kanta: “God Answers Prayer”
God Answers prayer in the morning
God answers prayer at noon
God answers prayer in the evening
So keep your hearts in tune.

May 21, 2017

Fifth Sunday after Resurrection/UCCP Sunday: Celebrating the Resurrection

I. PANGGEP

Kalpasan ti panagadal, dagiti ubbing manamnama nga:

1. Mailadawanda ti panangbisita ni Jesus kadagiti adalanna
2. Maibagada no kasano nga ni Jesus ket nagparang kas ar-aramidenda dagiti trabahado iti inaldaw-aldaw.
3. Mabigbigda nga ni Jesus ket adda ita a panawen iti inaldaw-aldaw ken agyamantayo iti Dios iti daytoy.
4. Maammoanda ti kinapateg iti inbaga ni Jesus – “Kappai ti maadda kenka”
5. Maipakita ti panagpammati iti Dios kalpasan nga naammoan nga ni Jesus ket nagungar babaen iti naragsak a panagselebrar iti daytoy a pasamak a kadua dagiti dadduma.

II. PAMPANUNOT (Konsepto)

Ti Dios ket adda kadatayo iti agdama, kadagiti amin nga aramidtayo iti inaldaw-aldaw. Kasapulan laeng nga mamatitayo ken mapatalgedan daytoy a kinapudno babaen iti panagyaman.

KASAPULAN

Biblia (nasaysayaat nu NRSV), papel ken krayola.

III. LINAON TI PANAGADAL

A. Panglukat a Panagdayaw

1. **Panangpasangbay:** Kablaawan dagiti ubbing iti naragsak nga Happy Anniversary! Naparabur nga UCCP Sunday!
2. **Kantaen: “Faith of Our Parents Living Still”**
3. **Panglukat a kararag:**
Apo Dios, agyamankami ta ni Jesus ken ti Iglesiam nga inrugim iti panagungar ni Jesus. Agyamankami iti United Church of Christ in the Philippines a paset iti Iglesia nga inrugi ni Jesus. Selebraranmi ti Anibersaryo ti Iglesia ita nga aldaw. Agyamankami kadagiti tattao nga nagbalin a paset iti daytoy nga Iglesia. Bendisyunam o Dios daytoy nga Iglesia kas agtultuloy aramidenna ti misyonmo. Iti nagan n Jesus. Amen.
4. **Kantaen: “We are the Church”**

B. Getting Ready Say: Today, we celebrate our Church's 69th anniversary. The United Church of Christ in the Philippines was formed on May 25, 1948. It is the same church began by Jesus Christ more than two thousand years ago during his Resurrection.

C. Learning Time Continue telling more stories about Jesus' Resurrection. You may read the Bible verses before telling the story.

Jesus Appears to His Disciples (Continuation of the Resurrection Story Based on the Gospel of Luke)

B. Panagsagana

Ibaga kadakuada: Ita nga aldaw, selebrantayo ti maika 69 nga anibersaryo. Ti UCCP ket nabuo idi May 25, 1948. Daytoy nga Iglesia ket isu met laeng inbangon nga Iglesia ni Jesus, 2000 a tawenen ti napalabas.

C. Panagadal

Ituloy ti istorya maipapan iti panagungar ni Jesus. Mabalín nga basaen ti Biblia a mangibaga iti daytoy nga istorya.

“Ni Jesus nagparang kadagiti Adalanna”
(tuloy ti istorya base iti ebanghelyo ni Lukas)

Dagiti adalan ni Jesus ken dagiti kakaduada ket nagtitiponda idia Jerusalem. Pagtutongtonganda dagiti adu a panagparang ni Jesus kadagiti gagayyemda. Kas agtutongtongda, ni Jesus nagparang kadakuada.

Kappia ti maadda kadakayo, kuna ni Jesus.

Dagiti adalan ket nakigtot ken nagbutengda ta ti ammoda ket makakitkita iti al-alia. Sinaludsod ni Jesus kadakuada, apay nga mabutengkayo ken adda panagduadua kadagiti pusoyo? Kitaenyo ti ima ken sakak. Kitaenyo ta mapaneknekanyo. Iggeman ken kitaenyo tapno mamatikayo ta ti al-alia ket awanan ititulang ken lasag.

Naragsakan dagiti adalan ngem saanda latta a mamati ken agsalsaludsodda.

Nagsaludsod manen ni Jesus, Adda kadi mabalín a makan ditoy?

Dagiti adalan inikkanda isuna iti nalingta nga lames ket kinnanna. Idi kuna, inpalagip ni Jesus kadakuada dagiti naisurat iti libro ni Moises, iti prophetic books ken libro dagiti Salmo ket natungpalen. Ket naawatan dagiti adalanna. Inbagana met laeng nga isuna, kas Mesias, ket agsabaga ngem agungar manipud patay kalpasan ti tallo nga aldaw. Kamaudiananna, nakitada ti kinapudno.

D. Panangpauneg ti adal/panagbibinningay iti pannakaammo.

1. Apay ngata nga kinablaawan ni Jesus isuda iti “Kappia koma ti maadda kadakayo”.
2. Anya ti aramidem no makitam ni Jesus? (bay-an dagiti ubbing nga mangbirok it sungbat.
3. Mabalín kadi nga makita ni Jesus ita a panawen? (denggen dagiti sungbat dagiti ubbing)

E. Panagdiskubre ti Adal manipud iti Biblia.

Makitatayo ni Jesus ita nga panawen iti Iglesia. Laglagipen nga ti Iglesia ket dagiti tattao. Ti Iglesia ket sika ken siak, amintayo. Masapul nga makitatayo ni Jesus iti maysa ken maysa. Ti laeng wagas nga maipakitayo ti panagayat ken Jesus ket isu iti panaginnayattayo iti maysa ken maysa. Ammotayo nga adda ni Jesus ita nga panawen gapu ta mariknatayo ti panagayatna. Dayta ti esensya ti panagungar kas agrambaktayo nga addaan rag-o ken panagyaman.

F. Panangiyaplikar ti Adal manipud iti Biblia

1. Anya ti mariknam nga dagiti dadduma nga tattao ket ay-ayatendaka? Anya ti mariknatayo iti presensya ni Jesus iti inaldaw-aldaw babaen kadagiti dadduma?
2. Pagtutongtongan dagiti sungbatda ken gupgupen dagitoy manipud kadagiti sungbatda.

G. Pangserra a Pagdayaw

1. Basaen kadakuada ti Lukas 24: 36b

2. Bagaan dagiti ubbing nga idatonda dagiti drawingda nga mangipakpakita iti panagayat iti maysa ken maysa. Maala met laeng ti pagdaton.

4. Idalan ti pangserra a kararag.

5. Pangserra a kanta: "That's Why We are UCCP"

May 28, 2017

Sixth Sunday after Resurrection/Ascension Sunday: Anticipating the Fullness of God's Reign on Earth

I. PANGGEP

Kalpasan ti panagadal, dagiti ubbing manamna nga:

1. Mailadawanda ti pannakaiyuli n Jesus idia langit.

2. Maibagada no apay nga ni Jesus ket naiyuli idia ayan ti amana.

3. Maipakitada ti panagyaman iti iyuuli ni Jesus kas paset iti masakbayan dagiti annak ti Dios ken iti sangalubongan.

II. PAMPANUNOT (Konsepto)

Ni Jesus naiyuli idia langit tapno awatenna ti otoridad ti Dios ken ipatungpal ti pagayatan ti Amana nga panungpalan.

KASAPULAN

Biblia (nasaysayaat nu NRSV)

III. LINAON TI PANAGADAL

A. Panglukat a Panagdayaw

1. **Panangpasangbay:** Kablaawan isuda iti Kappai ti maadda kenka!

2. **Kantaen: "Serve God, Serve God"**

Serve God, Serve God, all you little children,
God is love, God is love.

Serve people, serve people, all you little children
God is love, God is love.

3. **Panglukat a kararag:**

Apo Dios, agyamankami iti daytoy a dominggo ti pannakaiyuli ni Jesus sadiay langit. Tulongannakami iti pannakaammo kenka. Adu dagiti baro ken nasasayaat nga banbanag nga maadal ken maaramid. Agyamankami iti Sunday School ken iti gundaway nga agadal iti maysa ken maysa. Iti nagan ni Jesus. Amen.

B. Panagsagana

Ibaga dayty kadakuada: Kalpasan ti panagungar ni Jesus ken panagparangna kdagiti adalanna, nagsagana isuna iti panangaramid iti sabali pay. Daytoy ti intayo takuaten ita.

C. Panagadal

Saritaen daytoy kadakuada.

"Ni Jesus Naiyuli idia Langit"

Idi nagungar ni Jesus, nagparang isuna kdagiti adalanna tapno suroanna na pay isuda. Binagbagaanna pay isuda ta saanda nga namatia dagus nga sibibiag isuna. Binilinna isuda nga

mapanda iti intero a lubong ket iwaragawagda ti naimbag a damage nga isuna ket pudno a sibibiag. Inbagana nga siasinoman nga mamati ket makaaramid kadagiti adu ken baro a bamabanag. Kalpasan ti pannangisurona kadakuada iti maudi a gundaway, naiyuli suna diay langit iti Amana. Dagiti adalanna ket napanda iti sadiman a pakadanonanda. Ti manangidalan a presensya ni Jesus ket isu ti nariknada amin.

D. Panangpauneg ti adal/panagbibinningay iti pannakaammo.

1. Mariknam kadi ti manangidlan a presensya ni Jesus?
2. Kaano a nariknam daytoy?
3. Anya dagiti naaramidam a nasayaat idi nariknam ti manangidalan a presensya ni Jesus?

E. Panangdiskubre ti Adal manipud iti Biblia.

Ni Jesus ket sibibiag ken adda nga kankanayon kadayo, idaldalannatayo. Ti aramidentayo ket suroten isuna.

F. Panangiyaplikar ti Adal manipud iti Biblia

1. Anya dagiti kasapulan nga aramiden iti panagsurot ken Jesus?
2. Mangisurat kadagiti naimbag a bambanag nga maaramidtayo iti panangsurottayo ken Jesus.
3. Idrama daytoy.

G. Pangserra a Pagdayaw

1. Iparang ti drama nga inaramidda kas paset iti pangserra a pagdayaw.
2. Basaen ti Markus 16: 15b
4. Seraan daytoy iti bassit a kararag ti tunggal maysa.